


Мингта тилни билсангиз-у, аммо Аллоҳни танимасангиз...



10:30 / 27.02.2022 1994

Инглиз, француз, рус ва бошқа тилларни билиб, ўрганиш яхши ҳолат. Айниқса бугунги кунда. Бироқ бу тиллар шу миллат кишилари билан мuloқot воситаси бўлади холос. У тиллар маданиятлилик, зиёлилик ўлчови бўла олмайди. Баъзилар ўзбек бўла туриб хорижий тилларда гаплашишади, шуни маданият, замонавийлик белгиси деб ўйлашади. Агар сиз дунёнинг барча тилида гаплаша олсангиз-у, аммо Аллоҳ таолони танимасангиз, Унга иймон келтирмасангиз, Унга ибодат қилмасангиз, қиёмат куни кўп тилларни билишингиз сизга асло фойда бермайди.

Пицца, бургер, лаваш кабилар худди бошқа таомлар каби ошқозонни тинчлантириш учун ейиладиган таомлардир. Уларни истеъмол қилиш кишининг бой эканлигига далолат қilmайди. Худди ош, манти, шўрва, мастава истеъмол қилиш кишининг фақир эканлигига далолат қilmagанидек.

Қаҳва уйқунинг қочишига сабаб бўлувчи ичимлик бўлиб, унинг маданиятга, китоб ўқишга ҳеч қандай алоқаси йўқ. Сиз чой ичиб ҳам кўп китоб ўқиб, илмингизни оширишингиз мумкин.

Насабимиз, оиласиз, ватанимиз, теримизнинг ранги Аллоҳ таолонинг иродаси, хоҳишидир. У Зот сизни миллиардлаб инсонлар орасидан шу насабда бўлишингизни, шу оиласада туғилишингизни, шу ватанда унибўсишингизни, шундай рангда бўлишингизни ирода қилган. Шундай экан, олий насаб бўлсангиз, намунали оила фарзанди бўлсангиз, алломалар ютида туғилган бўлсангиз, терингизнинг ранги бошқалар ҳавас қиласиган ҳолатда бўлса, бу неъматлар учун Аллоҳ таолога шукр қилинг ва насабингизга, оиласигизга, ўтган юртдош боболарга муносиб ворис бўлишга интилинг.

Наҳотки, бу дунёда пул ўта муҳим бўлса?!

Камбағал, тақволи йигит совчи қўйса, «Камбағал экан» деб қизларини беришмайди.

Аммо пули кўп, фосиқ йигит совчи қўйса, «Аллоҳ ҳидоят бериб қолар» деб қизларини беришади.

Ўша ота-оналар Ҳидоят берувчи (Ҳодий) Аллоҳ Ризқ берувчи (Раззок) ҳам эканини билишмасмикин?!

Ижтимоий зулмнинг энг ёмон тури - ота ўзининг ёмон ўғилларига солиҳа қиз излашидир.

Ҳаё, ҳаё, ва яна ҳаё

Имом Бухорий Абу Ҳурайра розияллоҳу анхудан қилган ривоятда:

«Набий соллаллоҳу алайҳи васаллам:

«نَّمَّا يُلَمُّ بِعْدَ حِلَالٍ وَّبَعْدَ شَنَوْتٍ سَوْغَصَبٌ نَّمَّا يُلَمُّ إِلَيْهِ».

«Иймон олтмиш неча шўъбадир. Ҳаё иймоннинг бир шўъбасидир», деганлар».

Фозил қори раҳимаҳуллоҳ мавъизаларидан бирида бундай дегандилар:

«Этаклар тиззадан тепага кўтарилиб кетган. Ҳа, десангиз, маданиятлимиз дейишади. Ҳаё маданият эмасми?! Ор-номус, ифрат маданият эмасми?!»

Аллоҳ таоло барчамизни мағфират этсин, Ўзининг ҳидоятидан айирмасин ва хотимамизни чиройли қилсин!

Нозимжон Ҳошимжон тайёрлади